

Aan die ouers van Tightly Bound (Gr 7 - 9) en Belydenisfase (Gr 10 en 11)

Soos u dalk reeds kennis dra, mag ons as gemeente reeds met eredienste begin (met 50 persone per diens). Ons beplan om met eredienste te begin met ons jeug wat op hierdie stadium die laagste risiko groep is – dus Jeuggefokusde eredienste. Die jongmense is ook reeds nou al gewoon aan die reëlings by skole, wat ons graag ook by die kerk sal wil volg. Ons sien baie daarna uit om nuwe geleenthede te skep, selfs al besef ons dit gaan anders lyk as wat ons gewoon is. Ons kan dit egter slegs met u as ouers se toestemming doen. Daarom die versoek aan die einde van hierdie skrywe.

Ons het 'n Covid-19 taakspan saamgestel wat riglyne bestudeer het vanaf die regering, die Suid-Afrikaanse Raad van Kerke (SARK) en die Sinode van die NG Kerk. Ons onderneem om ons by hierdie regulasies en riglyne te hou.

Die doel van hierdie skrywe is om inligting aan u deur te gee van die formaat van die eredienste, asook die veiligheidsmaatreëls waaraan ons tydens die erediens en binne die kerkgebou aan gaan voldoen. Verder wil die skrywe aan u deurgee aan watter veiligheidsmaatreëls u self moet verseker u tieners aan moet voldoen en navolg, ten einde hulle in staat te stel om die erediens by te woon.

Vervolgens die volgende inligting:

Slegs 50 lidmate (wat die Jeugspan, leraar en koster insluit) mag die erediens bywoon. Daar moet rekord gehou word van elke tiener wat die diens bywoon, deur 'n vraelys wat vooraf op ons webblad afgelaai kan word, gedruk en ingevul word en dan deur elke tiener ingehandig word by aankoms. Die tiener se temperatuur sal dan ook op die vorm aangebring word.

Die hek by die kerkterrein se hoofingang maak om 16:50 oop. U kan dan inkom en u tiener by die staalhekke aflaai. U is welkom om vir die uur op die terrein te parkeer. Die reëlings vir die diens volg hierna.

Ons versoek dat die tieners, indien hulle in 'n ry moet staan, 1,5m sosiale afstand sal handhaaf. Die Jeugspan sal hiermee help.

Ons besef dit is moeilik omdat mense mekaar lanklaas gesien het, maar dit is ter wille van elkeen wat teenwoordig is.

Indien u met die invul van die vorm op enige van die vrae JA sou antwoord, versoek ons u vriendelik om eerder nie u tiener kerk toe te bring nie. Indien u tiener met aankoms 'n temperatuur van 37.5 of meer het, kan hy/sy ongelukkig nie die erediens bywoon nie, en gaan ons hom/haar versoek om eerder huis-toe/dokter toe te gaan.

Elke tiener moet 'n masker dra, wat die neus sowel as mond bedek. Dit moet te alle tye (vandat hy/sy uit die voertuig klim totdat hy/sy na afloop van die diens weer terugklim) op sy/haar gesig bly.

Die Jeugspan sal die tieners bystaan en wys waar om te staan, hande te spuit, koors te meet, vorms in te gee, dankoffers in te gooi, en dan die sitplek in die kerksaal in te neem.

Die sitplekke in die kerksaal sal reeds so geplaas wees dat die tieners binne die sosiale afstand reëls sal wees.

Die tieners kan gerus hulle selfone saambring, maar laat asseblief Bybels, werkboeke en enige ander skryfgoed of leesgoed by die huis.

Daar mag glad nie gesing word nie (volgens die regulasies). Bewegings saam met musiek is egter toegelaat en ons sal ruim daarvan gebruik maak (Soaking).

Ons moet aan heelwat regulasies voldoen wat die skoonhou van die badkamers betref. Alhoewel ons dit alles in plek het, versoek ons u om u tieners voor die tyd aan te moedig om 'n draai by die huis te loop en slegs in noodgevalle van die badkamers by die kerk gebruik te maak.

Na die diens versoek ons dat die tieners nie in groepies staan en gesels nie, maar eerder die terrein so spoedig moontlik verlaat. Weerens besef ons dat dit nie in ons aard is om dit so te doen nie, maar ter wille van die regulasies gaan ons dit so doen.

Ons versoek dat u die volgende vraelys VOOR ELKE jeug-erediens invul. Indien u op enige van hierdie 10 vrae "JA" antwoord, kan u tiener ongelukkig nie die erediens bywoon nie.

1. Tiener het/voel koors(ig)
2. Tiener hoes
3. Tiener het seer keel
4. Tiener is kort van asem
5. Tiener het lyfseer
6. Tiener voel swak en moeg
7. Tiener het diarree
8. Tiener se reuk/smaak sintuig is aangetas
9. Tiener was in afgelope 14 dae buite landsgrense
10. Tiener was in aanraking met iemand wat Covid-19 het of vermoed dat hy/sy Covid-19 positief is.

Hierdie is uitdagende tye wat ook nuwe uitdagings aan ons as gelowiges stel, ook wanneer dit kom by die bywoning van eredienste.

Die beplanning vir die Tightly Bound erediens lyk so:

Plan vir Tightlybound Jeugdiens Graad 7 tot 11

16:50	Kerkhek oop – voertuie kom in, laai tieners af en parkeer / gaan eers huis toe
16:50-17:05	Tieners gee vorms in en temperatuur word geneem en aangeteken op vorm
	Tieners beweeg tot in saal en sit op stoel – maskers deurgaans op
17:05-17:10	Groet
17:10-17:20	Soaking. Ongelukkig nie saamsing nie!
17:20-17:45	<ul style="list-style-type: none">• Tightlybound Diens vir graad 7 tot 9 in saal.• Graad 10 gaan na hulle aangewese lokale• Graad 11 gaan na hulle aangewese lokale
17:45-18:00	Musiek en Afsluiting vir graad 7 tot 9 in saal
18:00 +	Beweeg uit saal, ouers laai op en verlaat terrein

Vooraf:

- Trek vorm van webblad af en vul in
- Indien enige vraag se antwoord Ja is, moet tiener verkieslik nie bywoon nie
- Sonder vorm en sonder masker word tieners nie toegelaat nie

Ouers

- Ouers is welkom om op die kerkterrein te parkeer en in hulle motors te wag
- Parkering moet asseblief geskied met 'n oop parkering tussen motors
- Die leraars wat nie by Tightly Bound / Belydenisfase betrokke is nie, sal deurstep en by elke motor 'n oomblik vertoef en selfs saam 'n gebed doen.
- Ouers moet asseblief wanneer die leraar hulle by die motor besoek, hulle maskers op hou.

Ons vertrou dat u dit ontvang in die lig van waarmee ons dit skryf, naamlik dat ons die lewe in oorfloed van God ontvang, en daarom ook aan onself en ander die reg op gesondheid en lewe gun.

Ons sien uit na ons samekoms, en meer nog na die dag wat ons weer normaal as volle gemeente saam kan aanbid. God seën julle.

NG Montana Leraars, Jeugspan en Covid-19 Taakspan

Nou die vraag: Sal u u tiener (Gr 7 – Gr9)/Belydenisfase (Gr 10-11) kerk toe bring vir hierdie diens?